

Incertidumbre ta grandi bao trahadornan di Westin cu wordo bisa cu nan tin cu bay!



ORANJESTAD (AAN) – Diferente trahador di Westin a menciona na Matutino DIARIO, cu e informacion cu e trahadornan ta bay cas cu e garantia cu nan no ta perde nan trabao no ta, absolutamente, berdad.

Esaki relaciona cu e cambio di doño di e hotel y e proceso di reconstruccion cu ta bay tuma lugar, caminda segun nan ta indica, no tin espacio pa nan mas. Nan ta sinti cu pafo di e hotel e funcionarionan con-

cerni ta duna un informacion pero internamente, na e trahadornan, e realidad ta otro.

Mas bien nan ta wordo bisa cu nan tur tin cu bay cu un pakete. Ora e trahadornan ta puntra tocante e ley labo-

ral cu lo mester a proteha nan, nan ta wordo contesta cu “nan no sa di ningun ley”. Kiermen, nan ta sinti cu cueste loke cueste nan lo wordo kita for di trabao.

Indicacion cu tin ta cu na Westin tin hopi trahado cu tin añanan largo den servicio, y pa e dunador nobo di trabao si tuma nan over, lo nifica un costo di operacion mucho haltu, na locual ta nan expectativa. E trahadornan ta desea pa e informacion aki wordo aclarea pasobra awor si nan no sa ken ta bisa berdad, si esnan cu ta sostene cu nan trabao y contrato laboral mester wordo respeta, of esnan cu internamente ta insisti cu nan tur tin cu bay y si nan no ta acepta e pakete nan gewoon lo wordo retira! Esaki ta nifica cu e incertidumbre y tension ta hopi grandi cerca e trahadornan aki.

E trahadornan aki ta sinti nan mes como un famia, y algun trahando ya pa como 40 aña aki na e Hotel, cu tabata antes Concorde, Hilton, Wyndham, y Westin.

Pues algun di nan ya tin edad cu no ta facil pa haya trabao mesora bek. Kizas esey ta e motibo mes si acaso nan re-aplica pa Riu Palace Hotel, cu nan lo por wordo nenga. “Debi na edad”. Es mas, e pakete cu nan lo haya, kizas por “bira bashi” bek den menos di 4 luna, ora di paga tur debe.

Loke hopi kier sa: Di con no a mantene Westin habri mientras cu ta remodela esaki piso-pa-piso, camber-pa-camber manera ta normal den casonan asina.


Ta bay cera e Hotel pa “un aña”? Esey lo por ta un mentira grandi. Cuidao cu e keda como 2 aña cera.

Andin Bikker di PDR:

Renovacion di Westin no nifica cu mester kita trahador

ORANJESTAD(AAN): Andin Bikker durante e conferencia di prensa a comenta tambe riba e situacion na Westin Hotel.

Riu Hotel a cumpra Westin y no ta interesa den e trahadornan. PDR ta haya hopi straño cu e trahadornan aki mester bay



segun Bikker.

Mester corigi e impresion cu a worde lanta cu nan mester tuma e pakete sino nan ta keda sin trabao. Ora tabata Valero e compania a shutdown y tabata

full un otro situacion cu awor ta bay renoba y sigui. Tempo di Valero a bay otro caminda tin cu a bay corte y mester a worde paga mientrastanto.

di acuerdo cu e pakete di retiro. Den parlamento segun Bikker tin un ley cu a worde pasa caminda e trahadornan mester keda. Renovacion no ta motibo pa kita trahador. Mester bay huez pa muestra cu kizas tin un situacion nobo.

Canton Rechts Formule kizas ta e formula pa yega na un pakete. E impresion cu ta worde duna cu lo renoba y mester presenta pakete no ta logico segun Andin Bikker. E obligacion no tey pa kita e trahadornan.

Si 'ay departamento di labor no tin obligacion tampoco pa DAO honra e peticion di Riu. E trahadornan mester wanta duro segun Andin Bikker. E accionnan a worde bendi y tin acconista nobo.

Andin Bikker a splica cu e mesun doño di trabao a keda como doño di trabao. Por entrega pakete di retiro na e trahadornan